

Das Backnanger Lied

(Melodie: Auf'm Wasa grasad Hase)

1. En de Lacha patschat d'Krotta, Mucka krabblert an der Wand, Backena, du bisch d' schönste Städtle weit ond breit em Schwobaland !
 2. Stuagert, Ulm ond sonscht so Hefter hent mei Herz no nia verlockt, s' isch ond bleibt halt s'allerbeste, wenn dr Mensch in Backena hockt
 3. Andere mögat d'Welt bereisa, i für mi han oft scho denkt, mir däts sicher nirgend gfalla wos net recht nach Wildhäut stent
 4. Ganget mer mit Asphaltpflaster, mit Zement und Plättla weg, nex goht über onsern schöna, weicha, dicka Stroßadreck
 5. An de Gelder spannts a bissle, aber des isch bloß für jetzt, weißlich hent mer scho vor Zeita von der Kirch da Turm versetzt
 6. Überhaupt hent mir für Schulda stets a oifachs Mittele g'hätt aus de Neue macht mer alte ond de Alte zahlt mer net !
- 7. Wenn der Zink mit seine Gsella blost vom Turm om d'Mittagsstond, plärrt vor Freid em ganza Städtle Gans ond Gockel, Katz ond Hond.**
- 8. Ja dia bloßet grad wie d'Engel, standet no net s'bhäb drana, d'Hosaschnalla wernt sosnt roschtig so greift dui Musik oin a!**
9. Onser großer Dichter Schiller wird net schlecht verwondert sei, dass mer em hot's Denkmal gsetzt mitta en da Kiahdreck nei !
 10. Mit dem Marbach, do am Neckar, hot ers au net gschickt verwischt, den words manchmal elend greiht han, dass er net von Backena isch!
 11. Desshalb freit mis donderschlechtig, dass i selber hiasich be, z'Backena leb I, z'Backena sterb I, z'Backena isch halt wonderschö